

ODLUKU**O STANDARDIMA I KRITERIJIMA ZA
NOMINOVANJE/IMENOVANJE NA POZICIJE
PREDSJEDNIKA I ČLANOVA ŠKOLSKIH ODBORA
SREDNJIH ŠKOLA KAO JAVNIH USTANOVA, ČIJA
KONAČNA IMENOVANJA VRŠI VLADA KANTONA
SARAJEVO****I**

(Predmet Odluke)

Ovom odlukom Vlada Kantona Sarajevo (u daljem tekstu: Vlada) utvrđuje standarde i kriterije za nominovanje/imenovanje na pozicije predsjednika i članova školskih odbora srednjih škola kao javnih ustanova na području Kantona Sarajevo.

II

(Sastav školskog odbora)

- (1) Školski odbor srednje škole, srednjoškolskog i školskog centra kao javne ustanove broji četiri člana.
- (2) Predsjednika i članove školskih odbora javnih ustanova imenuje Vlada od kandidata koji su se prijavili na javni konkurs.
 - a) U školski odbor srednje škole, srednjoškolskog i školskog centra javne ustanove imenuju se:
 - 1) predsjednik - predstavnik osnivača kojeg predlaže Ministarstvo za obrazovanje, nauku i mlade (u daljem tekstu: Ministarstvo),
 - 2) jedan član za predstavnika Grada (za javne ustanove na području Grada) - na prijedlog gradskog organa, odnosno predstavnik općine na čijem području se nalazi škola (za javne ustanove izvan područja Grada) - na prijedlog općinskog organa,
 - 3) jedan član za predstavnika roditelja učenika škole i
 - 4) jedan član za predstavnika radnika škole.
 - b) U školski odbor škole kao javne ustanove koju je osnovala vjerska zajednica, odnosno crkva, samostalno ili sa drugim pravnim ili fizičkim licem imenuju se:
 - 1) predsjednik - na prijedlog osnivača,
 - 2) jedan član za predstavnika Ministarstva - na prijedlog ministra za obrazovanje, nauku i mlade,
 - 3) jedan član za predstavnika roditelja učenika škole i
 - 4) jedan član za predstavnika radnika škole.

III

(Uslovi za izbor)

- (1) Za predsjednika i člana školskog odbora škole kao javne ustanove može biti nominovan i imenovan kandidat koji ispunjava slijedeće opće uvjete:
 - a) daje stariji od 18 godina;
 - b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije;
 - c) da se na tog kandidata ne odnosi član IX tačka 1. Ustava Bosne i Hercegovine;
 - d) da nije osuđivan za krivično djelo i za privredni prijestup nespojiv sa dužnošću u školskom odnosno nadzornom odboru javne ustanove;
 - e) da nije izabrani zvaničnik, nosilac izvršnih funkcija u organima zakonodavne, izvršne i sudske vlasti, savjetnik u smislu Zakona o sukobu interesa u organima vlasti u Federaciji Bosne i Hercegovine i Zakona o ministarskim vladinim i drugim imenovanjima Federacije Bosne i Hercegovine;
 - f) da nije lice imenovano i birano u organe i tijela političkih partija i
 - g) da nije državni službenik iz Ministarstva.

- (2) Pored općih uvjeta iz stava (1) ovog člana, kandidat koji se nominuje i imenuje za poziciju predsjednika ili člana školskog odbora javne ustanove obavezno ispunjava i slijedeće posebne uvjete kako slijedi.

- a) Za predsjednika i člana-predstavnika Grada/općine u školskom odboru:
 - 1) da ima završen najmanje VII stepen stručne spreme ili prvi ciklus studija po bolonjskom procesu i najmanje pet godina radnog staža u struci,
 - 2) da nema privatni finansijski interes u javnoj ustanovi u čiji školski odbor se kandidira,
 - 3) da nije direktor, niti pomoćnik direktora osnovne ili srednje škole registrovane na području Kantona Sarajevo,
 - 4) da nije radnik škole u čiji se školski odbor kandidira,
 - 5) da nije roditelj, niti staratelj učenika koji pohađa školu u čiji se školski odbor kandidira i
 - 6) da nije član više od jednog upravnog, školskog ili nadzornog odbora.
- b) Za člana školskog odbora - predstavnika radnika:
 - 1) da ima završen najmanje VII stepen stručne spreme ili prvi ciklus studija po bolonjskom procesu i najmanje pet godina radnog staža u struci,
 - 2) da nije pomoćnik direktora osnovne ili srednje škole registrovane na području Kantona Sarajevo,
 - 3) da nije roditelj, niti staratelj učenika koji pohađa školu u čiji se školski odbor kandidira,
 - 4) da ima status radnika u školi kao javnoj ustanovi u smislu važećih propisa o radu i
 - 5) da nije član više od jednog upravnog, školskog ili nadzornog odbora.
- c) Za člana školskog odbora - predstavnika roditelja:
 - 1) da ima završen najmanje VII stepen stručne spreme ili prvi ciklus studija po bolonjskom procesu i najmanje pet godina radnog staža u struci,
 - 2) da nije direktor ili pomoćnik direktora osnovne ili srednje škole registrovane na području Kantona Sarajevo,
 - 3) da nije radnik srednje škole u čiji se školski odbor kandidira,
 - 4) da ima status roditelja ili staratelja djece korisnika usluga srednje škole i
 - 5) da nije član više od jednog upravnog, školskog ili nadzornog odbora.

- (3) Za predsjednika i člana školskog odbora i odbora srednje škole ne može biti imenovan kandidat za kojeg se u postupku imenovanja utvrdi da je ispunio bilo koji od razloga za izuzeće propisanih Pravilnikom o izboru, nadležnostima i načinu rada školskih odbora srednjih škola Kantona Sarajevo.

IV

(Postupak izbora)

Postupak izbora predsjednika i članova školskih odbora srednjih škola kao javnih ustanova realizira se u skladu sa odredbama:

- a) Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03, 34/03 i 65/13),
- b) Zakona o srednjem obrazovanju ("Službene novine Kantona Sarajevo", broj 23/17) i
- c) Pravilnika o izboru, nadležnostima i načinu rada školskih odbora srednjih škola kao javnih ustanova Kantona Sarajevo.

V

(Provođenje konkursne procedure)

- (1) U skladu sa Zakonom tekst konkursa objavljuje se na zvaničnoj internet stranici Vlade, Ministarstva i srednje škole u kojoj se vrši izbor predsjednika i/ili članova školskog

odbora. Škola je obavezna tekst konkursa istovremeno objaviti i na vidnom mjestu u školi, kako bi sa sadržajem teksta konkursa bili upoznati svi zainteresirani kandidati.

- (2) Komisiju za izbor predsjednika i članova školskih odbora srednjih škola kao javnih ustanova od pet članova imenuje Vlada Kantona Sarajevo na prijedlog ministra.

VI

(Komisija)

- (1) Odlukom Vlade o imenovanju Komisije za provođenje konkursne procedure preciznije će se urediti ovlaštenja Komisije, kao i prava i obaveze članova Komisije.
- (2) Komisija iz stava (1) ove tačke je zadužena za pregledanje i utvrđivanje formalno-pravne urednosti pristiglih prijava na konkurs (blagovremenost i potpunost), za provođenje intervjua sa svim kandidatima koji budu ispunjavali formalne uslove objavljenog konkursa, za sačinjavanje rang-liste kandidata - predstavnika Ministarstva čije su prijave ocijenjene formalno-pravno urednim te za provođenje drugih radnji za koje bude zadužena odlukom Vlade o imenovanju i Pravilnikom o izboru, nadležnostima i načinu rada školskih odbora srednjih škola kao javnih ustanova Kantona Sarajevo.

VII

(Zabrana diskriminacije)

U postupku imenovanja prilikom primjene standarda i kriterija utvrđenih ovom odlukom Vlada neće vršiti diskriminaciju prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili zbog postojanja presude za koju je izrečeno pomilovanje.

VIII

(Stupanje na snagu)

- (1) Stupanjem na snagu ove odluke stavlja se van snage Odluka o standardima i kriterijima za nominovanje/imenovanje na pozicije predsjednika i članova školskih i nadzornih odbora srednjih škola kao javnih ustanova, čija konačna imenovanja vrši Vlada Kantona Sarajevo, ("Službene novine Kantona Sarajevo", broj 6/11).
- (2) Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-30402-16/17

12. oktobra 2017. godine

Sarajevo

Premijer

Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 98. sjednici održanoj 12.10.2017. godine, donijela je

ODLUKU

**O PROGLAŠENJU PROJEKTA "UREĐENJE
NORDIJSKE STAZE I PRATEĆIH SADRŽAJA ZA
ODRŽAVANJE EYOF-a" NA BJELAŠNICI I VELIKOM
POLJU NA IGMANU, OD JAVNOG ZNAČAJA ZA
KANTON SARAJEVO**

I

Proglašava se Projekat "Uređenje nordijske staze i pratećih sadržaja za održavanje EYOF-a" na Bjelašnici i Velikom polju na Igmanu, od javnog značaja za Kanton Sarajevo.

II

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-30402-15/17

12. oktobra 2017. godine

Sarajevo

Premijer

Elmedin Konaković, s. r.

Na osnovu člana 14. stav (3) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16) i člana 26. i člana 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 98. sjednici održanoj 12.10.2017. godine, donijela je

ZAKLJUČAK

**O UNOSU TRANSFERA U BUDŽET KANTONA
SARAJEVO ZA 2017. GODINU**

1. Odobrava se unos sredstava (primljeni tekući transferi od općine 732116) u Budžet Kantona Sarajevo za 2017. godinu u ukupnom iznosu od 1.916 KM koja su "Treća osnovna škola" doznačena od strane Općine Ilidža u skladu sa Odlukom Općinskog načelnika o isplati novčanih sredstava na ime finansiranja nabavke užina za učenike slabijeg imovinskog stanja.
2. Sredstva iz tačke 1. ovog Zaključka evidentirat će se u razdjelu 21, glava 02, potrošačka jedinica 0021 - "Treća osnovna škola", na ekonomskom kodu: 613400 - Nabavka materijala, funkcija 091 iznos: 1.916 KM
3. Odobrava se unos sredstava (primljeni tekući transferi od općine 732116) u Budžet Kantona Sarajevo za 2017. godinu u iznosu od 9.000 KM koja su OŠ "Džemaludin Čaušević" doznačena od strane Općine Novi Grad Sarajevo u skladu sa Sporazumom na ime realizacije projekta "Sanacija sanitarnih čvorova u objektu OŠ "Džemaludin Čaušević".
4. Sredstva iz tačke 3. ovog Zaključka evidentirat će se u razdjelu 21, glava 02, potrošačka jedinica 0048 - OŠ "Džemaludin Čaušević", na ekonomskom kodu: 821600 - Rekonstrukcija i investiciono održavanje, funkcija 091 iznos: 9.000 KM
5. Odobrava se unos sredstava (primljeni tekući transferi od općine 732116) u Budžet Kantona Sarajevo za 2017. godinu u ukupnom iznosu od 500 KM koja su OŠ "Osman Nuri Hadžić" doznačena od strane Općine Novi Grad Sarajevo u skladu sa Sporazumom na ime realizacije projekta "Sufinansiranje aplikacije OŠ "Osman Nuri Hadžić".
6. Sredstva iz tačke 5. ovog Zaključka evidentirat će se u razdjelu 21, glava 02, potrošačka jedinica 0054 - OŠ "Osman Nuri Hadžić", na ekonomskom kodu: 613900 - Ugovorene i druge posebne usluge, funkcija 091 iznos: 500 KM
7. Odobrava se unos sredstava (primljeni tekući transferi od općine 732116) u Budžet Kantona Sarajevo za 2017. godinu u iznosu od 1.500 KM koja su OŠ "Avdo Smailović" doznačena od strane Općine Novi Grad Sarajevo u skladu sa Sporazumom na ime realizacije projekta "Sanacija hidrantske mreže objekta OŠ "Avdo Smailović".
8. Sredstva iz tačke 7. ovog Zaključka evidentirat će se u razdjelu 21, glava 02, potrošačka jedinica 0056 - OŠ "Avdo Smailović", na ekonomskom kodu: 613700 - Izdaci za tekuće održavanje, funkcija 091 iznos: 1.500 KM
9. Odobrava se unos sredstava (primljeni tekući transferi od općine 732116) u Budžet Kantona Sarajevo za 2017. godinu u iznosu od 2.100 KM koja su Srednjoškolskom centru Vogošća doznačena od strane Općine Vogošća u skladu sa Odlukom Općinskog načelnika na ime sufinansiranja ekscurzije za učenike škole.
10. Sredstva iz tačke 9. ovog Zaključka evidentirat će se u razdjelu 21, glava 03, potrošačka jedinica 0030 - Srednjoškolski centar Vogošća, na ekonomskom kodu: 613900 - Ugovorene i druge posebne usluge, funkcija 092 iznos: 2.100 KM
11. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva za obrazovanje, nauku i mlade, te pratiti utrošak istih.